



Кузьымгуртэ - вортскем гуртэ

(гурт котырысьтымы шурьес,
ошмесъес, нюкъес , гурезьес)

2009/09/18 15:34

Четкер гурезь



Кара гурезь



2008/01/01

Ошмесъес



Зуч ошмес



Зуч ошмес





Луд ошмес



Варзи шур

2008/01/01

Варзи шур



Эльык сэрег



Солдат кулэм гоп

Кемалась вылэм ини та учыр. Мынам папае анаез верамъя гинэ тодэ. Милям гурт котыртимы туж лек ожмаськон ортчем. Жугиськиллям тодьыос но гордьес. Тодьыос чигналлям. Гурт калык малпам, гордьес тодьыосыз кыдеке уллязы шуыса. Нош чуказеяз гурт калык соку гинэ сайка вылэм ай. Гурт туж шыпыт. Со вадес кык пол ыбем куара кылиськем. Со борсьы ик туж бадзым кесяськыса, гуртэ горд солдат вуэм. Малы со огназ вылэм, кытчы солэн эшъесыз кылиллям, оло ваньзы быриллям? Ойтод созэ тодись нокин овол. Солдат туж чебер но егит вылэм, вуэм тодьы вал вылын. Гурт пырти со туж чаляк ворттыса ортчем но тазы верам : «Тодьыос лыкто, пегзелэ, мадэс быгатиськоды – ватэлэ! Сьораз ик тодьыос чик гуртэ дугдылытэк уиськыса кошкиллям. Солдат гурт сьорысь нюлэскы ышем. Ожыт улыса омырез сезъялтэм ыбем куара. Гуртын огыр-бугыр луэм. Ваньмыз шыпыт луэм бере, воргоронъес нюлэскы кошкиллям но солдатлэсь шойзэшедьтиллям. Ватыны дисьтиллямтэ, угось гуртын вылиллям тодьыос пала дурбасьтисьес но. Валзэ шедьтиллямтэ ни: тодьыос ик нуизы луоз.

Быдэс нунал солдат пось шунды улын кыллем. Соку чапак тулыс вылэм. Папаелэн песязезлэн атаез отчы ветлэм. Туж, пе, егит на со солдат вылэм. Котыраз нош тылобурдоос макем шулдыр кырзало, сюләмез уката вось каро. Озыы ик кылем пинал солдат музъем вылэ уйзэ колыны. Нош чукна адямиос отчы мыниллям но паймиллям: солдатлэн кулэм интыяз выль шайгу кылдэм, нош пыд азяз кызьпу мерттэмын. Кин ватиз солдатэз, нокин оз тоды. Тодисез кыре оз потты. Тини озыы солдатлэсь нимзэ но,кытысьсэ но нокин оз тоды. Со дырысен та интыез калык озыы ик намаз – «Солдат кулэм гоп». Гуртамы та интыез тодисьтэмез овол. Мыным но папае возьматиз та интыез пастухакумы. Туж шулдыр инты со. Нош мерттэм кызьпу бадзым будэм, пересьмем но.



Мушкыръес

Вашкала аръесы колхоз кылдэмлэсь азьло, гурт калыкмы пудо вордыса, сад мерттыса, муш вордыса улэм. Трос семьяослэн асьсэлэн пичиесь муш бакчаоссы вылэм. Мушъессэс кыр интые нюлэскы нулдиллям.

Интяськиллям одно ик ошмес дуре, сяськае возь вылэ. Чечызэс но отын ик кыскыто вылэм. Нырысьсэ чечы кыскемзы бере, мушсэс данъяса, чечызы трос мед луоз шуыса, гурт калыкез кунояло пе вылэм.

Нимъессы нош со мушкыръеслэн туэ нуналозь вуэмын: Эчна мушкыр, Камит мушкыр, Семок мушкыр. Соос табере кудиз возь луэмын, кудиз нюлэс пушкы кылемын.

Чербай

Милям гурт съорамы вань Чербай ошмес.
Туж шулдыр интыын со. Солэн одиг палаз
будо жужытэсь , зокесь батыр пужымъес.
Рад гинэ сыло соос, юри ошмесез возъмвны
султытэмын кадь. Нош мукет палаз лабрес
лулпуос.

Та ошмеслэн вуэз туж кезьыт. Пинез ик
кынтэ. Дышымтэ мурт черланы но быгатоз
та ошмесэз юиз ке. Пересъес шуо: «Чербай
вуэн черлад ке, берен солэн вуэныз сяна
йонаны уг луы ни.» Соин ик пе та ошмеслы
Чербай ним сетиллям. Нимыз но ошмес
кадь ик жингырес, чылкыт кылиське –
ЧЕРБАЙ.